



Evidencijski broj JN: KN-08-21-2/25

Sarajevo, 10.04.2026. godine

Na osnovu člana 70. stav (3) Zakona o javnim nabavkama ("Službeni glasnik Bosne i Hercegovine" broj: 39/14, 59/22 i 50/24), člana 47. Statuta KJKP "Sarajevogas" d.o.o. Sarajevo, Rješenja Ureda za razmatranje žalbi broj: JN2-03-07-1-201-7/26 od 20.02.2026. godine i Izvještaja o toku i završene E-aukcije od 01.04.2026. godine a na prijedlog Komisije za provođenje postupaka javnih nabavku roba, usluga i radova, **donosi se:**

O D L U K A o izboru najpovoljnijeg ponuđača

I

Za najpovoljnijeg ponuđača za javnu nabavku robe: „Kancelarijski pribor“, po provedenom postupku javne nabavke putem konkurentskog zahtjeva za dostavljanje ponuda, evidencijskog broja KN-08-21/25 izabran je sljedeći ponuđač:

„Svjetlost-BH print d.o.o.“

sa ukupnom cijenom **39.850,00 KM** (slovima: tridesetdevethiljadaosamstotinapedeset konvertibilnih maraka) bez uračunatog PDV-a.

II

Odluka o izboru najpovoljnijeg ponuđača objavit će se na web stranici www.sarajevogas.ba, istovremeno sa upućivanjem ponuđačima koji su učestvovali u postupku javne nabavke, u skladu sa članom 70. stav (6) i članom 71. Zakona o javnim nabavkama BiH.

O b r a z l o ž e n j e

Postupak javne nabavke proveden je putem konkurentskog zahtjeva za dostavljanje ponuda evidencijskog broja KN-08-21/25, a pokrenut je na osnovu Odluke Direktora broj: 0801-03-3539/25 od 16.12.2025. godine.

Procijenjena vrijednost javne nabavke bez uračunatog PDV-a je: 40.000,00 KM (slovima: četrdesethiljada konvertibilnih maraka).

Obavještenje o javnoj nabavci broj: 17-7-1-180-3-156/25 od 16.12.2025. godine, objavljeno je na Portalu javnih nabavki BiH.

Komisija za provođenje postupaka javnih nabavki roba, usluga i radova imenovana je Odlukom Direktora broj: 0101-03-1812/25 od 16.06.2025. godine.

U predmetnom postupku utvrđeno je da je Komisija za javnu nabavku blagovremeno i pravilno izvršila otvaranje ponuda i ocjene prispjelih ponuda, o čemu je sačinila Zapisnike, u kojima je utvrđeno sljedeće:

Iz Zapisnika sa otvaranja ponuda Komisije za javnu nabavku je vidljivo da su pristigle ponude sljedećih ponuđača:

Redni broj	Naziv ponuđača/Grupe ponuđača	Ukupna cijena bez PDV-a	Popust	Cijena sa popustom bez PDV-a
1.	AERO-EXCLUSIVE d.o.o.	39.993,00	-	39.993,00
2.	Svjetlost-BH print d.o.o.	39.986,00	-	39.986,00
3.	DEFTER d.o.o.	39.860,74	-	39.860,74
4.	SVJETLOST -SARS d.o.o.	39.996,50	-	39.996,50

Zapisnik sa otvaranja ponuda je isti dan svim ponuđačima poslan elektronskom poštom.

Iz Zapisnika o pregledu i ocjeni ponuda vidljivo je da je Komisija za javnu nabavku postupajući prema Rješenju Ureda za razmatranje žalbi broj JN2-03-07-1-201-7/26 od 20.02.2026. godine kojim je usvojena Žalba žalitelja DEFTER d.o.o. i postupak vraćen na ponovni pregled i ocjenu ponuda, ponovno pristupila analizi dokumentacije iz pristiglih ponuda u smislu provjere validnosti istih, obzirom na iskazane zahtjeve ugovornog organa u tenderskoj



dokumentaciji, odnosno vrednovanju ponude u skladu sa pravilima i procedurama utvrđenim tenderskom dokumentacijom i Zakonom i podzakonskim aktima, te je Komisija konstatovala sljedeće:

Ponuda ponuđača Aero Exclusive d.o.o.:

Komisija je izvršila ponovni uvid u dokumentaciju dostavljenu u ponudi ponuđača Aero Exclusive d.o.o. kao i za stavke 16. i 17. u Aneksu III tenderske dokumentacije zahtijevano je dostavljanje tehničkog lista za papir A3 i A4 formata, sa jasno definisanim tehničkim karakteristikama, među kojima je zahtijevana i bjelina CIE (ISO 11475) u vrijednosti 165, uz dozvoljenu toleranciju od $\pm 2\%$.

Na strani 42 ponude ponuđača „Aero Exclusive“ d.o.o. dostavljen je tehnički list za papir *Fabiano Copy 1 Class*, prema kojem bjelina iznosi 169,0, što odstupa od zahtijevanih tehničkih karakteristika, budući da maksimalno dozvoljena vrijednost iznosi 168,3 ($165 + 2\%$). Shodno navedenom, ponuđeni papir ne ispunjava zahtjeve tenderske dokumentacije.

Komisija konstatuje da ponuda ponuđača **Aero Exclusive d.o.o. nije pravilna** jer ne ispunjava kvalifikacione uslove (lična sposobnost, sposobnost za obavljanje profesionalne djelatnosti, tehničke i profesionalne sposobnosti) zahtijevane tenderskom dokumentacijom.

Ponuda ponuđača Svjetlost-SARS d.o.o.:

Komisija je izvršila ponovni uvid u dokumentaciju dostavljenu u ponudi ponuđača Svjetlost-SARS d.o.o. kao i za stavke 16. i 17. u Aneksu III tenderske dokumentacije zahtijevano je dostavljanje tehničkog lista za papir A3 i A4 formata, sa propisanim tehničkim karakteristikama.

Na tehničkom listu ponuđača „Svjetlost-SARS“ d.o.o., dostavljenom na stranici 49/52 ponude, nije naznačeno za koji format papira se tehnički list odnosi (A4, A3 ili drugi format), niti je jasno navedeno da li se isti odnosi na sve formate papira istog proizvođača.

Dalje, za papir A3 i A4 zahtijevana je vlažnost (ISO 287) 4,2%, uz dozvoljenu toleranciju od $\pm 2\%$. Ponuđač je dostavio tehnički list za papir *Double A 80*, prema kojem vlažnost iznosi $< 4,5$, što odstupa od maksimalno dozvoljene vrijednosti 4,28 ($4,2 + 2\%$).

Također, u katalogu na stranici 30/52 ponude, u opisu ponuđene robe, vrijednosti bjeline i neprozirnosti odstupaju od tehničkih karakteristika navedenih u dostavljenom tehničkom listu.

Dodatno, za stavku 16. ponuđač je naveo da nudi papir „Navigator“, dok se dostavljena slika artikla odnosi na papir „Double A“, čime je dovedena u pitanje identifikacija ponuđenog proizvoda.

Komisija konstatuje da ponuda ponuđača **Svjetlost-SARS d.o.o. nije pravilna** jer ne ispunjava kvalifikacione uslove (lična sposobnost, sposobnost za obavljanje profesionalne djelatnosti, tehničke i profesionalne sposobnosti) zahtijevane tenderskom dokumentacijom.

Ponuda ponuđača DEFTER d.o.o.:

Komisija je izvršila ponovni uvid u dokumentaciju dostavljenu u ponudi ponuđača DEFTER d.o.o. uključujući i stavku 17 – papir A4, 80 g/m²:

- tehnički list proizvođača GOLD EAST PAPER (JIANGSU) CO., LTD. – Aphrodite A4,
- katalog proizvoda dostavljen u ponudi,
- dostavljeni uzorak artikla.

Uvidom u dostavljenu dokumentaciju Komisija je utvrdila da su u tehničkom listu proizvođača navedene tehničke karakteristike koje odgovaraju zahtjevima iz tenderske dokumentacije. Međutim, istovremeno je utvrđeno da su u katalogu proizvoda dostavljenom u ponudi, kao i u pojedinim javno dostupnim opisima istog proizvoda, navedene numerički različite vrijednosti pojedinih tehničkih karakteristika, naročito u pogledu bjeline papira, neprozirnosti (opacity) i debljine papira.

Također, pregledom dostavljenog uzorka i priložene dokumentacije nije moguće sa sigurnošću utvrditi da li dostavljeni uzorak odgovara tehničkom listu proizvođača, niti da li se dostavljeni tehnički list odnosi upravo na proizvod koji je predmet Vaše ponude.

S obzirom na navedeno, a radi potpunog i pravilnog utvrđivanja činjeničnog stanja u postupku ponovne ocjene ponuda, Komisija je u skladu sa članom 68. stav (3) Zakon o javnim nabavkama Bosne i Hercegovine uputila dana 17.03.2026.godine Zahtjev ponuđaču DEFTER d.o.o. za pojašnjenje ponude i sljedeću dokumentaciju:

1. Potvrdu proizvođača GOLD EAST PAPER (JIANGSU) CO., LTD. da je tehnički list dostavljen u ponudi autentičan i važeći tehnički list za proizvod Aphrodite A4 80 g/m² koji je ponuđen.



2. Pojašnjenje razlika između tehničkih karakteristika navedenih u dostavljenom tehničkom listu i karakteristika navedenih u katalogu proizvođača dostavljenom u ponudi, kao i u javno dostupnim opisima proizvođača.
3. Potvrdu proizvođača ili ovlaštenog distributera da uzorak dostavljen u ponudi odgovara proizvodu čije su tehničke karakteristike navedene u dostavljenom tehničkom listu proizvođača.
4. Ukoliko postoji više varijanti proizvoda pod nazivom Aphrodite A4, da se dostavi pojašnjenje tačne komercijalne oznake proizvoda (naziv, tip, serija ili model), zajedno sa pripadajućim tehničkim karakteristikama tog proizvoda, kako bi Komisija mogla nedvosmisleno utvrditi identitet ponuđenog proizvoda i izvršiti provjeru njegove usklađenosti sa tehničkim zahtjevima iz tenderske dokumentacije.
5. Za sve potvrde dostavljene od proizvođača ili distributera potrebno je dostaviti i kontakt podatke odgovorne osobe ili pravnog lica koje je izdalo potvrdu (naziv, adresa, e-mail i telefon), kako bi Komisija mogla izvršiti provjeru vjerodostojnosti dostavljenih informacija.

Uvidom u dostavljeni tehnički list proizvođača utvrđeno je da predmetni dokument ne sadrži identifikacione podatke dokumenta (datum izdavanja, oznaku dokumenta ili verziju dokumenta), te da je isti dostavljen kao kopija ovjerena pečatom ponuđača. Radi provjere vjerodostojnosti predmetnog dokumenta potrebna je da ponuđač dostavi potvrdu proizvođača GOLD EAST PAPER (JIANGSU) CO., LTD. ili ovlaštenog distributera kojom se potvrđuje autentičnost dostavljenog tehničkog lista i njegova primjenjivost na proizvod koji je predmet ponude.

S obzirom na navedeno, a radi otklanjanja svake sumnje u pogledu vjerodostojnosti i tačnosti dostavljene dokumentacije, Komisija smatra potrebnim da ponuđač dostavi potvrdu proizvođača ili ovlaštenog distributera kojom se potvrđuje da tehnički list dostavljen u ovoj ponudi predstavlja važeći tehnički list za ponuđeni proizvod. Također, uvidom u dostavljeni tehnički list proizvođača GOLD EAST PAPER (JIANGSU) CO., LTD. utvrđeno je da predmetni dokument nije u cijelosti preveden na jedan od službenih jezika u Bosni i Hercegovini, iako je u Aneksu III tenderske dokumentacije za stavku 17 propisano da tehnički list koji je na stranom jeziku mora biti preveden od strane ovlaštenog sudskog tumača. Dakle, u tenderskoj dokumentaciji nije ostavljena mogućnost djelomičnog prevoda. U ponudi ponuđača preveden je samo dio dokumenta (tehničkog lista) koji se odnosi na tabelarni prikaz tehničkih karakteristika, dok ostali dijelovi dokumenta nisu prevedeni. S obzirom na navedeno, a radi potpunog utvrđivanja svih relevantnih informacija o proizvodu koji je predmet ponude i provjere njegove usklađenosti sa tehničkim zahtjevima iz tenderske dokumentacije, potrebno je da ponuđač dostavi cjelovit prevod dostavljenog tehničkog lista proizvođača na jedan od službenih jezika u BiH, ovjeren od strane ovlaštenog sudskog tumača.

Traženo pojašnjenje ne smije imati za posljedicu izmjenu ili dopunu ponude u smislu promjene ponuđenog proizvoda ili njegovih tehničkih karakteristika, već isključivo pojašnjenje i potvrdu podataka već sadržanih u dostavljenoj ponudi.

Ponuđač DEFTER d.o.o. je dana 19.03.2026. godine dostavio traženo pojašnjenje i to:

- izjavu regionalnog distributera (Libra d.o.o.) kojom se potvrđuje da papir Aphrodite A4 80 g/m² ispunjava tražene tehničke karakteristike,
- dodatno obrazloženje putem e-maila kojim potvrđuje da je u ponudi dostavljena sva tražena dokumentacija u skladu sa tenderskom dokumentacijom.

Iz dostavljene izjave proizlazi da papir ima sljedeće karakteristike:

- bjelina (ISO 11475): 165
- opacitet (ISO 2471): 95%
- vlažnost (ISO 287): 4,2%
- debljina (ISO 534): 107 mikrona

Komisija cijeni da navedena izjava, kao i dodatno pojašnjenje, predstavljaju validan dokaz usklađenosti ponuđenog proizvoda sa zahtjevima tenderske dokumentacije i Komisija je konstatovala da ponuda ponuđača **DEFTER d.o.o. je prihvatljiva** jer ispunjava kvalifikacione uslove (lična sposobnost, sposobnost za obavljanje profesionalne djelatnosti, tehničke i profesionalne sposobnosti) zahtijevane u tenderskoj dokumentaciji.

Ponuda ponuđača Svjetlost-BH print d.o.o.:

Komisija je izvršila ponovni uvid u dokumentaciju dostavljenu u ponudi ponuđača Svjetlost-BH print d.o.o. uključujući i potvrdu proizvođača ili ovlaštenog distributera kojom se tvrdi da je tehnički list dostavljen u ponudi autentičan i važeći tehnički list za ponuđeni papir A4 (80 g/m²), i Komisija je dana 17.03.2026. godine uputila Zahtjev ponuđaču za pojašnjenje iz kojeg bi bilo vidljivo i nedvosmisleno da:



- ponuđeni proizvod odgovara tehničkom listu dostavljenom u ponudi,
- dostavljeni uzorak odgovara tehničkom listu proizvođača,
- proizvod ispunjava sve tehničke karakteristike propisane tenderskom dokumentacijom (Aneks 3).

Potvrda treba sadržavati tačnu identifikaciju proizvoda. Za sve potvrde dostavljene od proizvođača ili distributera potrebno je dostaviti i kontakt podatke odgovorne osobe ili pravnog lica koje je izdalo potvrdu (naziv, adresa, e-mail i telefon), kako bi Komisija ugovornog organa mogla izvršiti provjeru vjerodostojnosti dostavljenih informacija.

Traženo pojašnjenje ne smije imati za posljedicu izmjenu ili dopunu ponude u smislu promjene ponuđenog proizvoda ili njegovih tehničkih karakteristika, već isključivo pojašnjenje i potvrdu podataka već sadržanih u dostavljenoj ponudi.

Ponuđač Svjetlost-BH print d.o.o. je dana 26.03.2026. godine dostavio traženo pojašnjenje i to:

- tehnički list proizvođača za papir Double A 80 g/m² (A4/A3), ovjeren od strane proizvođača.

Iz dostavljenog tehničkog lista proizilazi da papir ima sljedeće karakteristike:

- bjelina (ISO 11475): 165;
- opacitet (ISO 2471): >95%;
- vlažnost (ISO 287): 4,2%;
- debljina (ISO 534): 107 mikrona;

Komisija konstatuje da dostavljeni tehnički list jasno potvrđuje ispunjenost traženih tehničkih karakteristika.

Komisija cijeni da navedena izjava, kao i dodatno pojašnjenje, predstavljaju validan dokaz usklađenosti ponuđenog proizvoda sa zahtjevima tenderske dokumentacije i Komisija je konstatovala da ponuda ponuđača **Svjetlost-BH print d.o.o. je prihvatljiva** jer ispunjava kvalifikacione uslove (lična sposobnost, sposobnost za obavljanje profesionalne djelatnosti, tehničke i profesionalne sposobnosti) zahtijevane u tenderskoj dokumentaciji. Komisija za javne nabavke također konstatuje da je ponuđač Svjetlost-BH print d.o.o. dana 21.01.2026. godine na glavni protokol preduzeća Ugovornog organa dostavio dokaze (ovjerene kopije) tražene tačkom 7.1.3. stav a) do d) tenderske dokumentacije na zahtijevani način.

Kriterij za dodjelu ugovora je najniža cijena uz provođenje e-aukcije.

Ponude ponuđača Svjetlost-BH print d.o.o. i DEFTER d.o.o. su unesene u sistem e-nabavki i zakazana je e-aukcija, koja je održana dana 01.04.2026. godine s početkom u 14³⁰ sati, i koja je trajala 10 minuta.

Ugovorni organ je od Agencije za javne nabavke zaprimio Izvještaj o uspješno održanoj e-aukciji, koju dostavljamo u prilogu i shodno kojom je ponuđač Svjetlost-BH print d.o.o. Sarajevo ponudio najnižu cijenu koja iznosi: 39.850,00 KM (slovima: tridesetdevethiljadaosamstotinapedeset konvertibilnihmaraka) bez uračunatog PDV-a.

Rangiranje prihvatljivih ponuda prema kriteriju za izbor ponude (najniža cijena), nakon provedene e-aukcije je kako sljede:

Rang lista ponuđača u skladu kriterijem "najniža cijena"			
Redni broj na rang listi	Naziv ponuđača	Ponuđena cijena u KM bez PDV-a prije E-aukcije	Ponuđena cijena u KM bez PDV-a nakon održane E-aukcije
1.	Svjetlost-BH print d.o.o.	39.986,00	39.850,00
2.	DEFTER d.o.o.	39.860,74	39.860,74

Komisija za javnu nabavku roba, usluga i radova jednoglasno je predložila Direktor u skladu sa odredbama člana 64. stav (1) tačka b) Zakona o javnim nabavkama donese Odluku o izboru **najpovoljnijeg ponuđača Svjetlost-BH print d.o.o.** čija ponuda je ocijenjena kao najpovoljnija, na osnovu kriterija „najniža cijena“ uz provođenje e-aukcije, u ukupnom iznosu ponude **39.850,00 KM (slovima: tridesetdevethiljadaosamstotinapedeset konvertibilnih maraka)** bez uračunatog PDV-a, **te da se ponuđaču Svjetlost-BH print d.o.o. dodijeli Ugovor** i da se stavi van snage Odluka o izboru najpovoljnijeg ponuđača broj 0801-03-104/26 od 20.01.2026. godine.

U postupku ocjene provedenog postupka Direktor nije našao razloge, nepravilnosti niti propuste u radu, koji bi eventualno bili osnov za neprihvatanje prijedloga Komisije za javnu nabavku. Naime, u postupku je ocijenjeno da je Komisija u



svemu pravilno postupila te da je Odluka o izboru najpovoljnijeg ponuđača donesena jednoglasno, u skladu sa Zakonom o javnim nabavkama, podzakonskim aktima i tenderskom dokumentacijom.

Iz navedenih razloga, primjenom člana 64. stav (1) tačka b) Zakona o javnim nabavkama, odlučeno je kao u dispozitivu ove Odluke.

Pouka o pravnom lijeku:

Protiv ove Odluke može se izjaviti žalba, najkasnije u roku od **5 (pet) dana** od dana prijema.

Žalba se izjavljuje Uredu za razmatranje žalbi Bosne i Hercegovine putem ugovornog organa u pisanoj formi. Žalba se podnosi u najmanje tri (3) primjerka.

Naknada za pokretanje žalbenog postupka plaća se Uredu za razmatranje žalbi, u skladu sa članom 108. Zakona o javnim nabavkama i Instrukcijom Ministarstva finansija i trezora BiH o načinu uplate, kontrole i povrata naknada propisanih članom 108. Zakona o javnim nabavkama BiH, 08-16-1-5148-2/24 od 27.8.2024. godine.

KJKP "Sarajevogas" d.o.o. Sarajevo
Direktor

Broj protokola: 0801-03- 1089/LC

DOSTAVITI:

- Ponuđačima,
- Nadležnoj Službi i
- a/a.

